

萬善同歸集卷第三

郡二

妙圓正修智覺永明壽禪師述

夫性起菩提真如萬行終日作而無作雖無行而徧行若云有作即同魔事或孰無行還歸斷滅故知自心之外無法建立十身具足

四土圓收雖總包含不壞内外皆稱法界豈

隔有無空中具方便之慧不著於有有中運殊勝之行不墮於無是以即理之事行成無閑即事之理行順真如相用無虧體性斯在夫化他妙行不出十度四攝之門利已真修無先七覺八正之道攝四念歸於一實總四勤不出一心嚴淨五根成就五力若論施則內外咸捨言戒則大小兼持修進則身心並行具忍則生法俱備般若則境智無二禪定則動寂皆平方便則普照塵勞發願則徧含

法界具力則精通十力了智則種智圓成愛語則俯順機宜同事則能隨行業運慈則冤親普救說法則利鈍齊收七覺則沈掉靡生八正則邪倒不起乃至備脩三堅之妙行具足七聖之法財秉持三聚之律門圓滿七淨

之真要悟天行契自然之本理脩梵行斷塵習之根源現病行甜聲聞於化城示兒行引凡夫於天界歷五位菩提之道入三德涅槃之城練三業而成三輪離三受而圓三念因從三觀薰發累具五眼圓明方能遊戲神通

出入百千三昧淨佛國土履踐無閑道場然後普應諸方現十身之妙相徧照法界然四智之明燈感應道交任他根量不動本際跡應方圓凡有見聞皆能獲益云云自彼於我何為斯皆積善之所熏成此無緣之大化還

源觀云用則波濤海沸全真體以運行體則
鏡淨水澄舉隨緣而會寂肇師云統萬行則
以權智為主樹德本則以六度為根濟蒙惑
則以慈悲為首語宗極則以不二為言此皆
不思議之本也至若借座燈王請飯香土室

包乾象手接大千皆不思議之迹也然幽開
雖啓聖應不同非本無以垂迹非迹無以顯
本本迹雖殊而不思議一也問身為道本縛
是脫因何得然指燒身背道修道高僧傳內
小乘律中貶斥分明奚為聖典答亡身沒命
為法酌恩冥契大乘深諳正教大乘梵網經
云若佛子應行好心先學大乘威儀經律廣
開鮮義味見後新學菩薩有從百里千里來
求大乘經律應如法為說一切苦行若燒身
燒臂燒指若不燒身臂指供養諸佛非出家

第二

二

菩薩乃至餓虎狼師子一切餓鬼悉應捨身
肉手足而供養之然後一一次第為說正法
使心開意解若不如是犯輕垢罪大乘首楞
嚴經云佛告阿難若我滅後其有比丘發心
決定脩三摩地能於如來形像前身然一
燈燒一指節及於身上爇一香炷我說是人
無始宿債一時醉畢長揖世間永脫諸漏雖
未即明無上覺路是人於法已決定心若不
為此捨身微因縱成無為必還生人酬其宿
債如我馬麥正等無異所以小乘執相制而
不開大教圓通本無定法菩薩善戒經云聲
聞戒急善薩戒緩聲聞戒塞菩薩戒開又經
云聲聞持戒是菩薩破戒此之謂也若依了
義經諸佛悅可執隨宜說衆聖悲嗟祇可歎
大哀固自他兼利豈容執權滯小本跡雙迷

邵二

三

問五熱炙身投崖赴火九十六種千聖同訶
幸有正科何投邪轍答智論云佛法有二種
道一畢竟空道二分別好惡道若畢竟空道
者凡夫如即漏盡解脫如如來語即提婆達
多語無二無別一道一源是以地獄起妙覺

之心佛果現涅槃之界若捨邪趣正邪正俱
非離惡著善善惡咸失若分別好惡道者愚
智不等真俗條然玉石須分金鑑可辨且約
脩行門內昇降位中自有内外宗徒邪正因
果善須甄別不可雷同且教申毀讚之文的
有抑揚之旨執即成滯了無不通四悉對治
縱奪料簡若云搃是涅槃成正真之道諸佛
錯訶若說俱非藥王墮顛倒之憊諸佛錯讚
是以興邪則成無益之行廢正則斷方便之
門湏曉開遮寧無去取且內有外人遺身各

有二意內教二者一明自他性空無法我二
執不見所供之境亦無能燒之心二惟供三
寶深報四恩以助無上菩提不希人天果報
外道二者一身見不亡轉增我慢迷無作之
智眼起有得之能心二惟貪現在名聞祇規

後世福利或願作刹利之王或求生廣果之
天所以台教釋藥王焚身品云境智不二能
所斯亡以不二觀觀不二境成不二行會不
二空作是觀時若為法界見聞者益故曰乘
乘所以投岩無招外行之論赴火不為內衆

之譏良由內有理觀外曉期心故勝熱息苦
財之疑尼軌生嚴熾之鮮篤論其道行方有
尅心正行正智邪事邪行不可廢智不可忘
後學之徒無失法利文殊問經云菩薩捨身
非是無記惟得福德是煩惱身滅故得清淨

身譬言如垢衣以灰汁浣濯垢滅衣在若得圓
旨明斷皎然請鑒斯文以為龜鏡問住相布
施果結無常增有為之心背無為之道爭如
理觀福等虛空故經云佛言非我而能順理
何堅執事緣塵而不觀心達道乎答若約觀

釋二

四

心寓目皆是既云達道舉足寧非菩薩萬行
齊興四攝廣被不可執空害有守一疑諸華
嚴經云受一非餘魔所攝持是以捨邊趣中
還成邪見不可據宗據令認妙認玄識相施
為陰界造作應須隨機遮照任智卷舒於空
有二門不出不在真俗二諦非即非離動止
何乖圓融無闊大凡諸佛菩薩修進之門有
正有助有實有權理事齊修乘戒兼急悲智
雙運內外相資若定立一宗是魔王之種或
亡泯一切成已見之愚故大集經云有二行

釋三

五

緣空直入名為慧行帶事兼脩是行行苦提
論有二道一方便道知諸善法二智慧道不
得諸法又經云二如因中如如而無染累中
如如而無垢又二心自性清淨心本有之義
離垢清淨心究竟之義起信論立二相一同

相平等性義二異相幻左別義台教有二善
達能所空名止善方便勸修名行善問祖佛
法要惟立一乘或云十方薄伽梵一路涅槃
門或云一切無闍人一道出生死如何廣陳
差別立二法門惑亂正宗起諸邪見答諸佛
法門雖成一種約用分二其體常同如一心
法立真如生滅二門則是二諦一乘之道今
古恒然無有增減是以總別互顯本末相資
非總無以出別非別無以成總非本無以垂
末非末無以顯本故知隻翼難冲孤輪匪運

惟真不立單妄不成約體則差而無差就用則不別而別一二無闇方入不二之門空有不乖始蹈真空之境問事則分位差別理惟一味湛然性相不同云何無闇答能依之事從理而成所依之理隨事而現如千波不闇

一濕猶衆器匪隔一金體用相收卷舒一際若約圓旨不惟理事相即要理理相即亦得事事相即亦得理事不即亦得故稱隨緣自在無闇法門又且諸佛化門檀施一法為十度之首乃萬行之先入道之初因攝生之要

軌大論云檀為寶藏常隨逐人檀為破苦能與人樂檀為善御開示天道檀為善府攝諸善人檀為安隱臨命終時心不怖畏檀為慈相能濟一切檀為集樂能破苦賊檀為大將能伏慳敵檀為淨道賢聖所由檀為積善福

德之門檀能全獲福樂之果檀為涅槃之初緣入善人衆中之要法稱譽讚歎之淵府處衆無難之功德心不悔恨之窟宅善法道行之根本種種歡樂之林藪富貴安隱之福田得道涅槃之津濟六行集云若凡夫施時起慢心成罪行起敬心成福行若二乘施時惟觀塵動轉小菩薩施時念色體空大菩薩施時知心妄見若佛謂證惟心離念常淨是知一布施門六行成別豈可雷同一時該下亦有內施外施理檀事檀體用更資本末互顯

卷二

六

據理沈斷執事墮常理事融通方超二患且諸佛聖旨校量施中理檀為先內施偏重故法華經云佛言若有發心欲得阿耨多羅三藐三菩提能然手指乃至足一指供養佛塔勝以國城妻子及三千大千國土山林河池

諸珍寶物而供養者智論云若人捨身勝通閻浮提滿中珍寶則知利口輕言易述全身重寶難傾保命情深好生意切直得三輪體寂猶爲通教所收况乃取捨情生豈得成其淨施且圓教施門徧含法界乃何事而不備

却二

七

何理而不圓菩薩照理而不却事鑒事而不捐理弘之在人曷滯於法若離理有事事成定性之愚若離事有理理成斷滅之執若著事而迷理則報在輪迴若體理而得事則果成究竟故法華經云又見菩薩頭目身體欣樂施與求佛智慧若捨身是邪何成佛慧故知毫善趣果弘深以此度門標因匪棄如釋迦佛捨身命時度度皆證法門或得柔順忍或入無生法忍等大凡菩薩所作皆了無我無性涉事見理遇境知空不同凡夫造其罪

福不鮮因果善惡無性是為迷事取性常繫三有問經云以三恒河沙身命布施不如受持四句偈故知般若功深施門力劣何得違宗越理枉力勞神可謂期悟遭迷惑求昇反墮矣答得理則萬行方成知宗乃千途不滯不可去彼取此執是排非湏履無閑之門善入徧行之道是以過去諸佛本師釋迦從無量劫來捨無數身命或為求法則出髓而剜身或為行慈則施鷹而飼虎般若論云如來無量劫來捨身命財為攝持正法正法無有邊際即無窮之因得無窮之果果即三身也乃至西天此土菩薩高僧自古及今遺身不少皆遵釋迦之正典盡效藥王之遺風高僧傳謁法師入南山自剝身肉布於石上引腸掛樹捧心而卒書偈於石云願捨此身已早令

身自在法身自在已在在諸趣中隨有利益處護法救衆生又復業應盡有為法皆然三界皆無常時來不自在他終及自死終歸如是處智者所不樂業盡於今日又僧崖菩薩燒身云代一切衆生苦先燒其手衆人問曰

善薩自燒衆生罪熟各自受苦何由可代答曰猶如燒手一念善根即能滅惡豈非代耶又告衆曰我滅度後好供養病人並難可測其本多是諸佛聖人乘權應化自非大心平等何能恭敬此是實行也天台宗滿禪師一生講誦蓮經感神人現身正定經呪文字後焚身供養法華經又智者門人淨辯禪師於鐵堂前焚身供養普賢菩薩雙林傳大士欲焚身救衆生苦門人等前後四十八人代師焚身請師住世教化有情傳記廣明不能備

引若云諸聖境界示現施爲則聖有詎凡之懶凡無即聖之分教網虛設方便則空本爲接後逗前令凡實證設是示現權施亦令後人倣效不可將邪倒之法賺人施行大聖真慈終不虛誑是以八萬法門無非解脫一念微善皆趣真如自有初心後心生忍法忍未必將高斥下以下凌高善須知時自量根力不可評他羨惡獨立是非言是禍胎自招來業且如得忍菩薩雖證生法二空爲利他故破憚貪垢尚乃燒臂焚身如藥王菩薩僧崖之類若未具忍者雖知以智慧火焚煩惱薪了達二空不生身見其或現行障重未得相應起勇猛心運真實行酬恩供佛代苦行慈欲成助道之門不起希求之想若不欺誑事不唐捐脫或智眼未明猶生我執但求因果

志不堅牢疑倣先宗不在此限夫衆生根機不同所尚各異故經云佛言若衆生以虛妄而得度者我亦妄語是知事出千巧理歸一源皆是大慈善權方便或因捨身命而頓入法忍或一心禪定而豁悟無生或了本清淨

而證實相門或作不淨觀而登遠離道或住七寶房舍而階聖果或處塚間樹下而趣涅槃是以塵沙度門入皆解脫無邊教網了即歸真大聖垂言終不虛設譬如涉遠以到爲期不取途中強論難易故知醫不專散天不長晴應須九散調停陰陽兼濟遂得衆疾同愈萬物齊榮皆是權施實無定法隨其樂欲逗其便宜惟取證道爲心不據入門籠細若於圓教四門生著猶爲藏教初門所治故菩薩所行檀度之門如因因劍孔而得出似病

服不淨而獲痊非觀無以拔三毒之病根非行無以超三界之有獄書云獲鳥者羅之一目不可以一目爲羅治國者功在一人不可以一人爲國是以衆行俱備萬善齊脩一行歸源千門自正經明十二因緣是一法以四

等觀者得四種菩提若惟取上上根人則中下絕分故弘半教有成滿之功至實所因化城之力豈可捨此取彼執實謗權頓棄機緣滅佛方便故云縱實分權權是實權開權顯實實是權實如迷權實二門則智不自在大論云衆生種種因緣得度不同有禪定得度者有持戒說法得度者有光明觸身得度者譬如城有多門入處各別至處不異所言般若功深者然般若孕聖弘賢含靈蘊妙標之則爲宗爲首爲導爲依融之則觸境該空無

非般若故經云色無邊故般若無邊肇論云三毒四倒皆悉清淨何獨尊淨於般若今何取捨而欲逃空避影淨且諸佛密意詮旨難裁空拳誑小兒誘度於一切無有決定法故號大菩提不知般若有破著之功教中偏譖

卷二

+

却乃隨語生見是以依方故迷故般若能導萬行若無萬行般若何施偏噉醫而飲醎失味致患專抱空而執斷殺智成憊智論云帝釋意念若般若是究竟法者行人但行般若何用餘法佛答菩薩六波羅蜜以般若波羅蜜用無所得法和合故此即是般若波羅蜜若但行般若不行餘法則功德不具足不美不妙譬如愚人不識飯食種具聞醫是衆味主便純飲醫失味致患行者亦如是欲除著心故但行般若反墮邪見不能增進善法若

與五波羅蜜和合則功德具足義味調適楞伽山頂經云善薩速疾道有二一方便道者能爲因緣二般若道者能至寂滅是以般若無方便溺無爲之坑方便無般若陷幻化之網二輪不滯一道無虧權實雙行正宗方顯住無所住佛事所以兼修得無所得智心所以恒寂問教祇令觀身無我了本無生既達性空何存身見而欲妄想仍須捨乎答理中非有事上非無從緣幻生雖無作者善惡無性業果宛然從無始際喪無數身但續俱生無利而死今捨父母遺體豈是已身若一念圓脩戒定慧等微妙善心方真已體今所捨者乃是緣生然於事中且爲利益而死況正當無明煩惱三障二死所縕何乃說空誰當信受是以佛法貴在行持不取一期口辯如

蟲食木偶得成文似鳥言空全無其旨煩惱
不減我慢翻增是惡取邪空非善達正法湏
親見諦言行相應但縱妄語麤心豈察潛行
審用古德云行取千尺萬尺說取一寸半寸
又經云言雖說空行在其中寶積經云佛言

若不行得菩提者音聲言說亦應證得無
上菩提作如是言我當作佛我當作佛以此
語故無邊衆生應成正覺故知行在言前道
非心外又經云佛言學我法者惟證乃知是
以剉惡不如微善多虛不如少實但能行者
不棄於小心縱空說者徒標於大意若未契
真如之用順法性而行惟得上慢之心自招
誣罔之咎是以仁王列五忍之位智者備六
即之文行位分明豈可叨濫何不入平等觀
起隨喜心積衆善之根成大慈之種經云然

一指節槩一炷香尚滅積劫之愆瑕或散一
花暫稱一佛畢至究竟之果位首楞嚴經云
菩薩同事尚作奸偷屠販淫女寡婦靡所不
爲無生義云離相無住行人不住涅槃能普
現色身在有爲中能貴能賤能凡能聖行仁

義之道悲濟十方盡未來際又云凡地修聖
行果地習凡因未具佛法亦不滅受而取證
也明知真是俗真俗是真俗執即塵勞通爲
佛事入法性三昧無一法可嫌證無邊定門
無一法可棄勝負既失取捨全乖不可障他

善提滅自善本又縱了非身深窮實相不滯
土心境決定無疑雖知一切有爲猶如空中鳥
跡尚須地地觀練對治習氣非無況堅執四
倒之愚深陷八邪之網持此穢質廣作貪淫
被幻網所籠爲情色所醉泊沒生死沉淪苦

輪者歟所以大覺深嗟廣垂毀擯諸聖捨身之際無不先詞如以毒藥而換醍醐似將瓦器而易珍寶故寶積經云觀身有四十種過患或云貪欲之獄恒爲煩惱之所繫臭穢之坑常被諸蟲之所唼食似行廁而五種不

二

三

淨若漏囊而九孔常穿瞋恚毒蛇起害心而傷殘慧命愚癡羅刹執我見而吞嚴智身猶惡賊而舉世皆嫌類死狗而諸賢並棄不堅如芭蕉水沫無常似燄影電光雖灌啖而反作冤讐每將養而罔知恩報廣誚非一難可具言若不審此深愆遂乃廣興惡業迷斯爲是而不進脩則智行兩虧理事俱失須先厭患若切對治知非而欲火潛消了本而真源自現故法華經云猶如三界火宅所燒何由能解佛之智慧問身雖虛假衆患所纏然因

此幻形能成道果經云不入煩惱大海不得無價寶珠若欲捨之恐成後悔答夫生必滅有相皆空若於三寶中志誠歸向起一捨心猶勝世間虛生浪死則能以無常體得金剛體以不堅身易堅固身取捨二途須憑智照

問安心入道須順真空起行度生全歸世諦但了法性以辯正宗何乃斤賓憑虛喪本趣未有爲擾動造作紛紜汨亂真源昏濁心水答第一義中真亦不立平等法界無佛衆生俗諦門中不捨一法凡興有作佛事門收是

以諸佛常依二諦說法若不得世諦不得第
一義諦唯識論云撥無二諦是惡取空諸佛說不可治者金剛經云發阿耨菩提心者於法不說斷滅相賢首國師云真空不壞緣起業果是故尊卑宛然金剛三昧論云真俗無

二而不守一由無二故則是一心不守一故舉體爲二華嚴經云譬言如虛空於十方中若去來今求不可得然非無虛空菩薩如是觀一切法皆不可得然非無一切法如實無異不失所作普示修行菩薩諸行不捨大願調

伏衆生轉正法輪不壞因果又云菩薩摩訶薩了達自身及以衆生本来寂滅不驚不怖而勤修福智無有厭足雖知一切法無有造作而亦不捨諸法自相雖於諸境界永離貪欲而常樂瞻奉諸佛色身雖知不由他悟入

於法而種種方便求一切智雖知諸佛國土皆如虛空而常樂莊嚴一切佛刹雖恒觀察無人無我而教化衆生無有疲厭雖於法界本來不動而以神通智力現衆變化雖已成就一切智智而脩菩薩行無有休息雖知諸

法不可言說而轉淨法輪令衆生喜雖能示現諸佛神力而不厭捨菩薩之身雖現入於大涅槃而一切處示現受生能作如是權實雙行法是佛業是以若撥果排因即空見外道據體絕用是趣寂聲聞又若立正宗何法

非宗既論法性何物非性從迷破執則權立是非從悟辯同實無取捨今所論者不同凡夫所執事相又非三藏菩薩偏假離真及通教聲聞但空滅相若離空之有乃妄色之因若離有之空歸灰斷之果今則性即相之性

故不闡繁興相即性之相故無虧湛寂境是不思議境空是第一義空舒卷同時即空而常有存泯不壞即有而常空故台教云如鏡有像瓦礫不現中具諸相但空即無微妙淨法身具相三十二清涼國師云凡聖交徹即

凡心而見佛心理事雙修依本智而求佛智古德釋云禪宗失意之徒執理迷事云性本具足何假修求但要亡情即真佛自現學法之輩執事迷理何須孜孜修習理法合之雙羨離之兩傷理事雙修以彰圓妙休心絕念

名理行興功涉有名事行依本智者本覺智此是因智此虛明不昧名智成前理行亡情顯理求佛智者即無障闊解脫智此是果智約圓明決斷爲智成前事行以起行成果故此則體性同故所以依之相用異故所以求

之但求相用不求體性前亡情理行即是除染緣起以顯體性興功事行即是發淨緣起以成相用無相宗云如上所說相用可然但依本智情亡則相用自須以本具故何須特爾起於事行圓宗云性詮本具亡情之時但

除染分相用自顯真體若無事行彼起淨分相用無因得生如金中雖有衆器除礦但能顯金若不施功造作無因得成其器豈金出礦已不造不作自然得成於器若亡情則不假事行佛令具修豈不虛勞學者是以八地

已能離念佛勸方今起於事行知由離念不了所以文云法性真常離心念二乘於此亦能不得不以此故爲世尊但以甚深無間智七勸皆是事行故是之果佛須性相具足因行必須事理雙修依本智如得金修理行如去

礦修事行如造作求佛智如成器也慈愍三藏錄云若言世尊說諸有爲定如空華無有一物名虛妄者虛妄無形非解脫因如何世尊勸諸弟子勤修六度萬行妙因當證菩提涅槃之果豈有智者讚乾闥婆城堅實高妙

復勸諸人以兔角爲梯而可登陟乎由此理故雖是凡夫發善提心行菩薩行雖然有漏修習是實是正有體虛妄非如龜毛空無一物說爲虛妄皆是依他緣生幻有不同無而妄計若如是解者常行於相相不能閎速得

卷二

十六

解脫迷情局執於教不通雖求離相恒被相拘無有解脫又云若三世佛行執爲妄想憑何修學而得解脫不依佛行別有所宗皆外道行古德云若一向拱手自取安隱不行仁義道即闕莊嚴多劫亦不成但實際不受一

塵佛事不捨一法還源觀云真該妄本行無不修妄徹真源相無不寂又云真如之性法爾隨緣萬法俱興法爾歸性祖師傳法偈云心地隨時說菩提亦祇寧事理俱無闕當生即不生故知真不守性順寂而萬有恒興緣

部二

十七

不失體任動而一空恒寂問思益經云入正位者不從一地至十地楞伽經云寂滅真如有何次第古德云寧可永劫沉淪終不求諸聖解脫又云任汝千聖現我有天真佛何乃捏目生華強分行位答若心冥性佛理括真源豈假他緣尚猶忘已若隨智區分於無次第中而立次第雖似昇降本位不動夫聖人大寶曰位若無行位則是天魔外道若約圓融門則順法界性本自清淨若約行布門則隨世諦相前後淺深今圓融不礙行布頓成

諸行一地即一切地故若行布不礙圓融偏成諸行增進諸位功德故點空論位常居中道不有而有階降歷然有而不有泯然虛靜故般若經云湏菩提問佛若諸法畢竟無所有云何說有一地乃至十地佛言以諸法畢

竟無所有故則有菩薩初地至十地若諸法有決定性者則無一地乃至十地是以三十七品菩薩履踐之門五十二位古佛修行之路從初念處一念圓修迄至十八不共練磨三業究竟清淨問真源自性本自圓成何藉

修行廣興動作經云見苦斷集證滅修道名爲戲論若起妄修行何當契本答起信論云以有妄想心故能知名義爲說真覺亦因真如內熏令此無明而有淨用復因諸佛言教力内外相資令此妄身自信已身有真如性能起種種方便修諸對治此能修行則是信有真如由未證真不名無漏妄念若淨真性自顯又雖修無性不閑真修從妄顯真因識成智猶如影像能表鏡明若無塵勞佛道不立古德云真妄二法同是一心妄擷真成無

別妄故真隨妄現無別真故又真外有妄理不徧故妄外有真事無依故又若執本淨是自性癡若假外修是他性癡若內外相資是共性癡若本末俱遣是無因癡長者論云若一槩皆平則無心修道應須策修以至無修方知萬法無修寶積經云若無正修者猶兔等亦合成佛以無正修故台教云行能成智行滿智圓智能顯理理窮智寂相須之道興廢不無因權顯實實立權亡約妄明真真成妄泯權妄既寂真實亦空非妄非權何真何

實牛頭融大師云若言修生則造作非真若言本有則萬行虛設問一切凡夫常在於定何須數息入觀而無繩自縛乎答若法性三昧何人不且若論究竟定門惟佛方備等覺菩薩尚乃不知散心凡夫豈容測度故文殊

云譬人學射從龜至細後乃所發皆中我亦如是初學三昧諦緣一境後入無心三昧始一切時中常與定俱所以不淨假觀數息妙門是入甘露之津出生死之徑故龍樹祖師云觀佛十力中二力最大因業力故入生

部二

十九

死因定力故出生死正法念經云救四天下人命不如一食頃端心正意是以在纏真如眉散皆具出纏真如定慧方明總別條然前後無濫何專理是寧斥是非問善薩大業以攝化爲基何乃獨宿孤峯入深蘭若既違本

願何成利人答菩薩本爲度他是以先修定慧空閑靜處禪觀易成少欲頭陀能入聖道法華經云又見菩薩勇猛精進人於深山思惟佛道問多聞廣讀習學記持徇義窮文何當見性答若隨語生見齊文作解執詮忘旨

逐教迷心指月不分即難見性若因言悟道藉教明宗諦入圓詮深探佛意即多聞而成寶藏積學以爲智海從凡入聖皆因玄學之力居危獲安盡資妙智之功言爲入道之階梯教是辯正之繩墨華嚴經云欲度衆生令

住涅槃不離無障闇解脫智無障闇解脫智不離一切法如實覺一切法如實覺不離無行無生行慧光無行無生行慧光不離禪善巧決定觀察智禪善巧決定觀察智不離善巧多聞菩薩如是觀察了知已倍故正法勤

求修習日夜惟願聞法喜法樂法依法隨法解法順法到法住法行法菩薩如是勤求佛法所有珍財皆無惜不見有物難得可重但於能說佛法之人生難遭想法華經云若有利根智慧明了多聞強識乃可爲說論云

有慧無多聞是不知實相譬如大暗中有目無所見多聞無智慧亦不知實相譬如大明中有燈而無目多聞利智慧是所說應受無聞無智慧是名人身牛故圓教二品方許兼讀誦位居不退始聞法無厭聞有助觀之力

學成種智之功不可作牛羊之眼罔辨方隅處愚顛之心不分菽麥乎問靈知不昧妙性常圓何假參尋徧求知識答一切衆生悟裏生迷真中起妄祇爲不覺湏假發揚法華經云佛曾親近百千萬億無數諸佛盡行諸佛

無量道法勇猛精進名稱普聞又云善知識者是大因緣所謂令得見佛發阿耨多羅三藐三菩提心華嚴經云譬如暗中寶無燈不可見佛法無人說雖智不能了又云不要三千大千世界滿中珍寶惟願樂聞一句未聞

佛法又云雖知諸法不由他悟而常尊敬諸善知識起信論云又諸佛法有因有緣因緣具足乃得成辦如木中火性是火正因若無人知不假方便能自燒人無有是處衆生亦爾雖有正因熏習之力若不遇諸佛菩薩善

知識等以之爲緣能自斷煩惱入涅槃者則無是處法句經云如裹香之紙繫魚之索佛語諸比丘夫物本淨皆由因緣以興罪福近賢明則道義隆友愚贖則殃禍集譬如紙索近香則香繫魚則臭漸染翫習各不自覺頌

曰鄙夫染人如近臭物漸迷習非不覺成惡賢夫染人如附香熏進智習善行成芳絜首楞嚴經云佛告阿難一切衆生從無始來種種顛倒業種自然如惡又聚諸修行人不能得成無上菩提乃至別成聲聞緣覺及成外

道諸天魔王及魔眷屬皆由不知二種根本錯亂修習猶如煮炒欲成嘉饌縱經塵劫終不能成是知初心須親道友以辨邪正方契真修或涉權門日劫相倍若得圓旨不枉功程直至道場永無疑惑及生自悟之時惟證

無師自然之智決定不從人得問說法爲人雖成大業未齊極地恐損自行登地菩薩尚被佛訶未證凡夫如何開演答台教初品即是凡夫若信入圓門亦可說法以凡夫心同佛所知用所生眼齊如來見般若經中校量正憶念自修行般若之福不如廣爲人天巧說譬喻令前人易解般若其福最勝經云其人戒足雖羸劣善能說法利多人若有供養是人者則爲供養十方佛未曾有經云說法有二大因緣一者開化天人福無量故二者

爲報施食恩故豈得不說又財施如燈但明小室法施若日遠照天下大方廣總持經云佛言善男子佛滅度後若有法師善隨樂欲爲人說法能令菩薩學大乘者及諸大衆有發一毛歡喜之心乃至暫下一滴淚者當知

皆是佛之神力但見解不謬冥契佛心雖爲他人亦乃化功歸已既能助道又報佛恩儻不涉名聞實一毫不棄至於傳持法寶講唱大乘制論釋經著文解義拔不信之疑箭照愚暗之智光建法垣牆續佛壽命或取經西土求法遐方或翻譯大乘潤文至教或廣行經呪偏施受持開法施之門續傳燈之燄能將甘露沃枯渴之心善使金鉢扶癡盲之眼經云假使頂戴經塵劫身爲牀座偏三千若不傳法度衆生決定無能報恩者問何不

法頓悟萬行自圓而迂迴漸徑勤勞小善乎
禪宗一念不生一塵不現若爭馳駛水競執
空華以幻修幻終無得理答諸佛了幻方能
度幻衆生菩薩明空是以從空建立涅槃經
云佛言一切諸法皆如幻相如來在中以方

卷二

五

便力無所染者何以故諸佛法爾中論云以
有空義故一切法得成是以頓如種子已包
漸似芽莖旋發又如見九層之臺則可頓見
要湏躡階而後得昇頓了心性即心是佛無
性不具而湏積功德修萬行又如磨鏡一時
偏磨明淨有漸萬行湏修悟則漸勝此名圓
漸非是漸圓亦是無位中位無行中得是以
徹果該因從微至著皆湏慈善根力乃能自
利利他故九層之臺成於始築千里之程託
於初步滔滔之水起於濫觴森森之樹生於

毫末道不遺於小行暗弗拒於初明故一句
染神歷劫不朽一善入心萬世匪忘涅槃經
云佛說脩一善心破百種惡如少金剛能壞
湏彌亦如少火能燒一切如少毒藥能害衆
生少善亦爾能破大惡日摩尼寶經云佛告
迦葉善薩我觀衆生雖復數千巨億萬劫在
欲愛中爲罪所覆若聞佛經一反念善罪即
消盡大智度論云如來成道時有十種微笑
而觀世間有小因大果小緣大報如求佛道
讚一偈一稱南無佛燒一捻香必得作佛何
況聞知諸法實相不生不滅不不生不不滅
而行因緣業亦不失以是故笑古德問云達
磨不與梁帝說功德因緣而云無耶菩薩捨
國城建塔廟豈虛設乎答大師此說不壞福
德因果武帝不達有爲功德而有限制空無

卷二

三十三

相福不可思量破他貪著如不貪著盡是無

爲善薩亦作輪王如是福報因果歷然可是無耶若達理者處之與法界同量無有竭盡

若不達理即是有所爲輪迴之報不應貪著忠

國師云諸佛菩薩皆具福智二嚴豈是撥無

因果但勿以理滯事以事妨理終日行而不乖於無行也生法師問云何彈指合掌無非

佛因耶答一切法皆無定性而所適隨緣若以貪爲緣即適人天之報若迴向菩提爲緣即成佛果之報真如尚不守自性而況此微

善乎

音釋

撥
補末切
治也

閑
五載止也

寶
其貴切上籠也

萬善同歸集卷第三

邵二

二十四